

Greenlandic A: literature – Standard level – Paper 1 Groenlandais A: littérature – Niveau moyen – Épreuve 1 Groenlandés A: literatura – Nivel medio – Prueba 1

Friday 8 May 2015 (afternoon) Vendredi 8 mai 2015 (après-midi) Viernes 8 de mayo de 2015 (tarde)

1 hour 30 minutes / 1 heure 30 minutes / 1 hora 30 minutos

Instructions to candidates

- Do not open this examination paper until instructed to do so.
- Write a guided literary analysis on one passage only. In your answer you must address both of the guiding questions provided.
- The maximum mark for this examination paper is [20 marks].

Instructions destinées aux candidats

- N'ouvrez pas cette épreuve avant d'y être autorisé(e).
- Rédigez une analyse littéraire dirigée d'un seul des passages. Les deux questions d'orientation fournies doivent être traitées dans votre réponse.
- Le nombre maximum de points pour cette épreuve d'examen est de [20 points].

Instrucciones para los alumnos

- No abra esta prueba hasta que se lo autoricen.
- Escriba un análisis literario guiado sobre un solo pasaje. Debe abordar las dos preguntas de orientación en su respuesta.
- La puntuación máxima para esta prueba de examen es [20 puntos].

Allaaserisaq taamaallaat **ataaseq** pillugu atuakkialerinermik misissueqqissaarneq apeqqutinik ilitsersuutitut ilanngunneqartunik tunngaveqartoq allaguk. Akissutinni apeqqutit ilitsersuutitut ilanngunneqartut tamaasa sammissavatit.

1.

5

10

15

Pikiulinnguami najugallit nuannattunnguupput. Illorujussuarmi piniartortaasut pingasut qilalugarsuit sisamat tulaassimavaat. Qooqap angutaata, Angerlap, marlorsuit pisarisimavai sanersuttuuginnarsuit. Piniartoqatai allat marluk, Aneeraq Quttorarlu, tamarmik immikkut aamma angisorsuarnik pisagarsimapput.

Kangerlunnguup illoqarfigisamik sissaanut tulaakkiartulermatigik pisussinnaasut tamarluinnarmik atersimapput. Sissap avataanut pillutillu kalitarsuatik avatartaliinnarlugit sannikarteriarlugit qaannat niguallakkallarpaat nukappiaqqat ningerniaqqaartussaammata. Ileqquusoq malillugu nukappiaqqat – taamani katillutik arfiniliusut – sanileriiaarlutik siallutik inissipput ujarannguanillu milluutissaminnik tigusisimallutik. Saamillermit isorliusumit aallartillutik naasiartuaarlutik qilalukkat miloriartartussaavaat avatartaat eqqornaveersaarlugit. Imartalinngivillugu qilalukkat puttanerinik milornittut siulliit sisamat napputtussaapput, tassa qilalukkap qitersua qalasianit talerui tikillugit ningerisussaavaat. Allat marluk kingulliullutik eqquisut uliunnallutillu talerunnattussaapput.

lleqquusutut nukappiaqqat inissipput nukarlerpaaq, Aneeqqap ernera Seeqqoq, saamilliulluni isorlersaalluni miloriaqqaartussaallunilu. Qooqa angajullermut tulliugami miloriartussat tallimagaat. Qooqamit siulliullutik miloriartut ilaat marluk periarnerliorallartillugit Qooqa napputtut pingajoraat, tassa angummi sanersuttoortarsuata aappaa suli eqqorneqanngitsoq torrallavillugu imartaqanngitsumik qilalugaasaroramiuk. Milornittorlu aanaata Alliap aqarallarujaa – ilami qitornatuaammat sapegigamiuk!

Qilalugartuusut namminneerlutik ningissat savimminnik killilersoreermatigik meeqqat ningissaat siulliullugit pilattunit piiarneqarallarput. Pilattut nikallunganngeqaat. Arnaqquassaartaasut marluk, Qooqap aanaa Alliaq, aamma Quttoqqap arnaa Paakka, qutsaserlutik illartitsigallaripput. Piumasut sissami mattattuuttorsuit tappika illorujussuup iluani neqinik inalukkanillu – killoriarlugit ulillugit saleqqissaakkanik – mamarunarnersiuinnarlutik qulissiutit uuilersukutsooriarlugit qulissertorsuanngorput qullersuatik taqqeruloorlugit.

Apereersimalluni qerinnartuummat neqit orsullu quit iluinut qaavinullu iliorarlugit qeritsiusiinnarneqarput. Qimmit naammatsivillutik nerisimasut aammillu aluttoruloorsimasut inuttulli iluarusutsigigunarlutik nallaannartalereerput isikkatillu aluttorusaarlugit. Kikkut tamarmik ikioqatigiilluarlutik pilariarmata sivitsorpallaanngitsoq illorujussuarminnut majuaapput. Iserfiat neqisunnialaaramiliuna!

Qilalukkap sakiaminersui aapaartut orsorasaartorsuit angutitaasa mamarsaatigaat inalukkanik killuinnakkanik ulillugit uutanik illuperaarlugit. Ningiortannguat Alliaq, arnaq peqqissaarluinnartoq ilisimatoorlu, iganermut ilikkarluinnarsimavoq. Ilami qulissigai allanit tamanit soorlu tipiginnerusartut!

Nerereernerup kingorna ullumiummat qilalukkerinerminnik oqaluasaartut inermata nukappiaqqat angutillu allunaaqattartorsuanngorput. Allunaarsuit paakkarutinut ikaartitikkat qaqqivigisarpaat timersuutinillu tamalaanik aliikkusersorlutik. Inersimasortaasa nuannarinerusarpaat "qajaasaarneq".

Inersimasunit siulliulluni Quttoraq allunaarsuit siaqqisimasut marluk akornannut qeqqilluni inissippoq. Allunaarsuit talliminik illuttut ammut naqeriaatigalugit aalassarilluinnarluni isikkani nissiguppai issiasutut ilerluni. Allunaat illugiit nulumi avataatungikanniannut inisseriarlugit tunumigut saamimminik tiguai saamigullu talerpimminik. Taavalu qaannatut kinngusaqattaartutut iliorluni siullermik saamimmut kinngusarluni makittaqattaalerpoq allunaallu qipinerat naammagileramiuk talerpimmut kinngusarluni makittaqattaarluni. Allunaat qippunnerat peqatigalugu makinniartarneq ilungersornarsigaluttuinnartaraluartoq Quttoraq sungiusarluarsimaqisoq eqaalluinnarluni makittaqattaarpoq.

20

30

35

40

45

25

Angerlakkut Aneerarlu Quttoqqatulli eqaatsigisorinarlutik tamalaarpassuarnik pissusilersorlutik allunaaqattartareermata nukappiarartaat aamma sungiusalerput.

50

55

60

Quttoqqap ernera angajulleq – taamami Pikiulinnguami nukappiaqqanit angajullersaasoq – Mikisuluk siulliulluni avalaqqaarpoq. Allunaaq siaqqisimasoq ataaseq tikikkamiuk nissuni talerpilleq qulaatitippaa seeqqumi peqittarfianut pisillugu. Nissuni saamerleq nivingatiinnarlugu siumut uleqattaarluni aallartippoq, kingornalu nissumi inissisimanerat paarlaateriarlugu tunummut kusanavissumik uleqattaarluni.

Taama iliorluni allunaaqattarneq taaneqartarpoq "oqaatsuaassaarneq". Mikisuluk aqqarmat Qooqa Aneeqqallu ernerisa angajullersaat – Inequnaaluk – kinguleriillutik aalassarilluinnarlutik oqaatsuaasaarput inersimasortatik assut qungujulaartitaralugit. Tamatumalu kingorna qajaasaarnermik aamma misilikkallarput. Inersimasortaasa tulluusimaarutigisarpaat nukappiarartamik malunnavissumik egaalliartuaarneri.

Allunaat taamatut siaarsimasut atuinnarlugit pinnguaaterpassuit tamalaat pinnguaatigineqartarput. Angutitatik allunaaqattartillugit arnartaat piumasut ajagartartorsuupput. Nukappiarartaat allunaaqatanngikkaangamik qimussertuusaartarput puisit saarninik qimmilersorlutik. Assaqqut angutitarisarpaat arnartaralugillu akut. Taamani Qooqap angummi aaffattaata assaqqorsua ittoqusiussimavaa, nukappiaraqataasalu ussuit natsillaalluunniit assaqqorsui ittoqutiqaat.

Ole Brandt, Qooga (1971)

- (a) Oqaluttualiami pisimasut tamarmik aaqqissuulluagaasutut saqqummerput. Aaqqissuulluagaaneq tamanna qanoq paasinninniarninni oqaluttualiamillu nassuiaasinnaaninni ilinnut oqariartuuteqarpa?
- (b) Atuakkiami uiguutit aalajangersimasut naliliinermik imallit, soorlu –LLUINNAR– aamma –SUAQ, annertuumik atorneqartartut malunnarpoq. Tamanna arlaannik oqariartuummik ilagarnersoq oqallisigisinnaaviuk?

Qaallorimmi Illinersiorata

Illoqarfittaarsuaq
qamunga iserlugu
aniserfissaanngilaq
matua matullugu
5 iggavimmi pullataavoq
erngutsip torlua
milluaavoq
pisoqarpoq eqqumiitsunik:

Igalaaq kilerporngaa

10 mattutissaqanngilaq
kissarsuut ulinngavoq
qaammat naasimagami
nerrivimmut nippoqqaapput
Inuit tarningi

15 pallinneq ajornaqaat nipissaanga nerrivimmut nippoqqaapput ilama tarningi pallinneq ajornaqaat

20 nipissaangaa ...

Illoqarfittaarsuaq unnugu kiviguni Tarneq kissavoq piga puitinniariuk!

25 Naqqani ipiguma soqanngilaq naamivik qaavanut puigisa silaannaqarneraaq:

Anigaaq piviulluni
30 tungujoq
iminnarik
qimmit taamani pigut
anulerniarlugit!
qaallorimmi illinersiorata
35 nammineq
pavunga ingerlasa
pigiilluta ...

Malik Høegh, *Ulo 1* (1977)

- (a) Taallap naanerata nalaani allassimavoq *Aningaaq* piviusoq. Tamanna imatut paasisariaqarpa taallami piviusuunngitsortaqartoq?
- (b) Illoqarfittaarsuup iluaniinnerup nalaani pisut kinaassusersiut siulleq ataasersiut atorlugu oqaluttuarineqarput naaneratali nalaani, illoqarfittaarsuup avataani pisut qasseersiut atorlugu oqaluttuarineqarlutik. Tamatuma qanoq pingaaruteqarnera nassuiarsinnaaviuk?